

Broj: 101-15067-1/20 DŽS
Zenica, 06.01.2020. godine

Postupajući u skladu sa Rješenjem o usvajanju Žalbe ponuđača IMTEC d.o.o. Sarajevo i poništenjem Odluke o izboru najpovoljnijeg ponuđača broj: 101-15067/19 od 07.11.2019. godine, broj: JN2-03-07-1-2893-9/19, a na osnovu člana 32. i člana 64. stav 1., tačka (b), člana 70. stav 1.,3., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj:716-15065-2/19 DŽS od 06.01.2020. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU **o izboru najpovoljnijeg ponuđača**

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 716-15065-1/19 DžS od 06.01.2020. godine u postupku dodjele okvirnog sporazuma za nabavku računara i računarske opreme i prihvata se preporuka Komisije za nabavke da se okvirni sporazum zaključi sa ponuđačem:

IMTEC d.o.o. Sarajevo

kao najbolje ocijenjenom ponuđaču, prema ponudi protokolisanom pod brojem: 716-14258/19 od 17.10.2019. godine, za ponuđenu cijenu od 18.966,00 KM, bez uračunatog PDV-a.

II

Cijena ponude iz čl.1. ove Odluke, nakon provedene e-aukcije je umanjena za 1,29 % u odnosu na prvobitno ponuđenu cijenu izabranog ponuđača.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

III

Prijedlog okvirnog sporazuma dostavit će se na potpis izabranom ponuđaču IMTEC d.o.o. Sarajevo, u skladu sa članom 98. Zakona o javnim nabavkama.

IV

Za izvršenje ove Odluke zadužuje se Komisija za nabavke, Služba za opšte i kadrovske poslove te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-13415/19 BS od 01.10.2019.

Javna nabavka je provedena putem konkurentskog zahtjeva sa zaključivanjem okvirnog sporazuma.

Procijenjena vrijednost javne nabavke bez uračunatog PDV-a je 19.552,99 KM.

Dana 01.10.2019. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-469-3-80/19 objavljena je i tenderska dokumentacija.

Dana 01.10.2019. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-469-3-80/19 objavljena je i tenderska dokumentacija.

Rok za dostavljanje ponuda je bio 17.10.2019. godine do 13:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljeno je šest ponuda u zatvorenoj koverti, i to:

1. PROCOM d.o.o. Tuzla
2. EMADO d.o.o. Sarajevo
3. DIGITARIJA d.o.o. Sarajevo
4. INTER-COM d.o.o. Zenica
5. IMTEC d.o.o. Sarajevo
6. PROCOMP d.o.o. Zenica

Komisija za nabavku je dana 06.01.2020. godine direktoru preduzeća dostavila Izvještaj o radu broj: 716-15065-1/20 DŽS od 06.01.2020. godine i Preporuku o izboru najpovoljnijeg ponuđača broj: 716-15065-2/20 od 06.01.2020. godine, u kojima se navodi:

Dana, 23.12.2019. godine, pod brojem: 716-17218/19, na protokolu ugovornog organa je zaprimljeno Rješenje Ureda za razmatranje žalbi broj: JN2-03-07-1-2893-9/19 od 19.12.2019. godine.

Rješenjem Ureda je poništena odluka o izboru najpovoljnijeg ponuđača, broj: 101-15067/19 DŽS od 07.11.2019. godine, te predmet vraćen ugovornom organu na ponovni postupak.

Odlučujući po žalbi ponuđača IMTEC d.o.o. Sarajevo URŽ je u Rješenju broj JN2-03-07-1-2893-9/19 od 19.12.2019. godine ponudu ponuđača INTER-COM d.o.o. Zenica ocijenio neprihvatljivom jer ponuđač nije popunio karakteristike za stavku CPU, nije dostavio odgovarajuću katalošku dokumentaciju za stavku 1. PC konfiguracija (za grafičku karticu), te da ponuđeni računar ne ispunjava zahtjev u pogledu portova USB 2.0, odnosno da se ponuda ponuđača INTER-COM d.o.o. Zenica odbacuje kao neprihvatljiva u skladu sa članom 68., stav (4), tačka (i) ZJN BiH.

Komisija je dopisom broj 716-15434-2/19 dana 09.12.2019. godine od ponuđača IMTEC d.o.o. Sarajevo zatražila produženje roka važenja ponuda za dodatnih 60 dana, o čemu se navedeni ponuđač potvrdno izjasnio dopisom zaprimljenim dana 14.12.2019. godine pod brojem: 716-15434-3/19.

Komisija za nabavke je, postupajući po Rješenju Ureda za razmatranje žalbi, broj: JN2-03-07-1-2893-9/19, u ponovljenom postupku evaluacije utvrdila da su ponuđači EMADO d.o.o. Sarajevo i IMTEC d.o.o. Sarajevo dostavili formalno-pravno i tehnički zadovoljavajuće ponude, te je shodno odredbi čl.4. Pravilnika o načinu korištenja e-aukcije navedenim ponuđačima zakazana e-aukcija za dan 03.01.2020. godine, u terminu od 11:00 sati.

Ponude ponuđača, prije početka e-aukcije su:

1. EMADO d.o.o. Sarajevo, vrijednost ponude u iznosu od 18.985,00 bez PDV-a
2. IMTEC d.o.o. Sarajevo, vrijednost ponude u iznosu od 19.214,00 bez PDV-a.

E-aukcija je održana u zakazanom terminu.

U e-aukciji je jedan ponuđač promijenio iznos svoje ponude.

Konačne ponude, nakon završetka postupka e-aukcije su:

1. IMTEC d.o.o. Sarajevo, vrijednost ponude u iznosu od 18.966,00 bez PDV-a
2. EMADO d.o.o. Sarajevo, vrijednost ponude u iznosu od 18.985,00 bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „najniža cijena“, prihvatljivih ponuda/ ponuđača kako slijedi:

1. IMTEC d.o.o.Sarajevo, vrijednost ponude u iznosu od 18.966,00 bez PDV-a
2. EMADO d.o.o. Sarajevo, vrijednost ponude u iznosu od 18.985,00 bez PDV-a,

te dala preporuku da se okvirni sporazum zaključi sa najuspješnijim ponuđačem IMTEC d.o.o. Sarajevo, na period od 12 mjeseci.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove Odluke.



DIREKTOR:


Pašalić Emir, dipl.ing.građ.

DOSTAVLJENO:

- 1 x Ponuđaču
- 1 x Direktor preduzeća
- 1 x Pom.dir.za ekon. i pravne posl.
- 1 x Pom.dir.za tehn.posl.
- 1 x Pom.dir. za razvoj i inv.
- 1 x Komercijalna služba
- 1 x Viši stručni saradnik za IZ i KS
- 3 x Članovima Komisije
- 1 x Sekretar Komisije
- 1 x a/a